

Б у р е в е с т н и к

Буурл цагъан тенъгсин
 Санапр цокц деер,
 Буднъгърси никт уулиг
 Салькн уумулдж ээрнӓ.
 Ончта хар цӓклгъншнӓ
 Огътргъу тенъгс хоорнд,
 Думбр зӓрмг Буревестник
 Дуулн йовдж ниснӓ.
 Далваган делдж ирӓд,
 Дольга шуурч наадна.
 Хагдад нисдж гарад,
 Хар уулнлӓ хутхлдна.
 Баатр Буревестник шовун
 Байрин дуугъар донъгъдна.
 Зӓрмг кучтӓ дуугъинь
 Зӓрлцси уулд сонъсна.
 Туумгъси галвин кӓцл
 Туунӓ дуунас гарна.
 Дурвксн седклин заль
 Диилврн ицкӓр падрна.
 Цахрси галвас сӓрлӓд
 Цахс аӓмдж ниснӓ,
 Деешӓн зулдж чишгӓд
 Доргшан бултхар кииснӓ.
 Гагар шовуд бӓӓглднӓ
 Гувдлдӓн—цугӓгъӓр серг-
 дг—
 Теднд аргъ уга!
 Тер дуунас сӓрднӓ.
 Гӓргтӓ пингвинӓ бийнӓ
 Галвас дугълздж зулна.
 Элдӓ таргън цогцан
 Энъгин белд бултулна.
 Зугл баатр Буревестник
 Зӓрмг, санапр, дурндан,
 Цахрси буурл тенъгсӓр
 Цӓклгън метӓр ниснӓ.
 Тенъгс деер цуглярад
 Улм уулн никтрнӓ,
 Телӓулдж миркиси хурлзад,
 Унн алдад ирнӓ.
 Огътргъун ду тосад
 Олн дольган ниилнӓ,
 Хагддж ӓӓдӓн бухад
 Хавшдж доран биилнӓ.
 Огътргъу лурджнънад гарад
 Оргъчси дольгад серлднӓ,
 Саамладкӓӓс цахрад,
 Салькнла дольган керлднӓ.

Махсг дольгаг теврӓд,
 Манъгъс салькн ачна.
 Энъд цокдж хамхлад,
 Элснлӓ хутхдж цацна.
 Ончта хар цӓклгъншнӓ
 Омгта Буревестник делнӓ,
 Хасн буугъин сумншнӓ
 Хар уулиг ивтлнӓ.
 Далвагарн делдж ирӓд
 Дольгана кӓӓс шуурнӓ,
 Тенъс деер нисӓд,
 Тингр байрта йовнӓ.
 Галзу заяч кевтӓгъӓр,
 Галвин хар эзншнӓ,
 Эн Буревестник дӓгӓд—
 Экрӓд, инӓгӓд йовна.
 Эн Буревестник инӓдӓрн
 Элдӓ уулиг наадлна.
 Эльвг асхрси байрарн
 Экрӓд, хӓӓкрӓд йовна.
 Уурта огътргъу кӓшисг
 Ухата Буревестник меднӓ.
 Налхасн жар уули
 Нариг халхлдж чадшго!
 Орклдж салькн дуулна,
 Огътргъу лурджнъдж дуурх-
 на.

Кӓк заль цацдж
 Кӓвӓгъӓрн гал цӓклнӓ.
 Галвд догдлси тенъгст
 Галар уулн асна.
 Хагдси цӓклгъиг тенъгс,
 Хавлдж авад унтрна.
 Тер шатси цӓклгън
 Тенъгсин уснд ээдрнӓ,
 Гал могъа болдж
 Галв дотр геедрнӓ.
 Азд, уурта, оргъчси,
 Адрси тенъгс, цӓкллгънӓ—
 Задта аӓмшг дотр,
 Зӓрмг Буревестник ниснӓ.
 Дуулад нисдж йовад
 Дурдад, диилвр кӓснӓ:
 —Галв!
 Удл уга,
 болтха!
 Галв!
 Улм кучтӓгъӓр
 догдлтха!
 Орчулсн САН-БЕЛЬГИН.